

Gvangjsih Minzcuz Bau

ganhhau: CN45-0036 B.2020 Nd.6 Ng.17 liggaeuq gengcej nienz nyinh ndwenseiq ngeihroek

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3428 期

Gvangjsih Minzcuz Bause Baudauj Daengx Guek Song Hoih Sinhvwenz Ndaej Cwngzgoj Lairaeuh

Bi 2020 ndwen 5 ngoenz 21 daengz ngoenz 28 Daengx Guek Song Hoih youq Baekging ciuhai. Gvangjsih Minzcuz Bause daih' it baez yungh Cuengh, Gun song saw vah sibirz, yinhbinz baijok hingzik caeuq cienzmeizdij vunqsik, mbouj lau vunz noix caeuq cienz giepnou, conhfangj bonj gih 6 boux saijsu minzcuz Daengx Guek Yinzda daibyauj caeuq 2 boux Daengx Guek Cwnghez veijyen. Yunghsim maeuzveh song hoih cien-daez baudauj, mbabaj gij cingczik hungloet Mbanjcuengh raeuz youq "Cauhlaeb Aen Guengsae Gyaunde, Saedyienh Aen Loqsiengj Fukhwng" aeundaej haenx, baijok le gih raeuz

minzcuz doxgiet, sevei huzndei, baudauj fanjiengj haenqfofo, cwngzgoj lairaeuh.

Gij baenzroix baudauj bonjbauq youq mwh song hoih cienzmeizdij doiok haenx, youq 《Gvangjsih Minzcuz Bau》 banj Sawgun daengh ok 10 aen conhbanj 21 bien, aen meizdij bingzdaiz moq lumjbaenz vangican, veihboz, veihsin daengj doisoengq 126 bien, guh haijbau 15 mbaw, "minzcuz fangjdanz" sibirz 5 aen. Baenzroix baudauj hopheux "minzcuz", yungh Cuengh Gun song saw vah yinhbinz, sauq wveizmaj dingq haijbau miz sing Cuengh Gun song saw vah daengj hingzik guh baudauj, ndaej

haujlai cawjlouz meizdij gvansim yawjnaek, Yinzminzvangj, Cunghsinh-vangj, 《Cungguek Minzcuz Bau》 daengj cienjdaengh 60 bien, ndawde 《Cungguek Minzcuz Bau》 lienzdaemh doiok 《Buekhingz Cienzmienh Siuj-gangh Hoenxhingz Duetgungz Gung-geng》 《Cauhlaeb Aen Guengsae Gyaunde Saedyienh Aen Loqsiengj Fukhwng》 Youq Gvei Daengx Guek Yinzda Daibyauj Gangj Hwngfat song aen daengx banj gungh 7 bien daengdaengq iuiek baudauj, Gvangjsih Densidaiz youq 《Vahcuengh Sinhvwenz》 lanzmoeg boqok bonjbau 5 geiz "minzcuz fangjdanz" sibirz.

(Veiz Sangyungz)

SIUSIK DINJ

● Ndwen 6 ngoenz 9, Bingznanz Yenveij Dungjancbu, Minzcungh-giz, Yen Yihliuz Baujanc Giz heuh yen Yinzminz Yihyen, yen Nungzcunh Sinyung Lenzse, Majlen Yauzcuz Yangh Cwngfuj daengj danhvei, haeujlaeg guh gij hozdung hawj gyoengq vunz hojnanz siujsoq minzcuz soengq canghyw bae yw bingh raeuj sim.

(Goz Yungjcungh)

● Duenhneix, Dwz-bauj Yen Leihyungh "Aijmajyinz" vangilo z bingzdaiz hailaeb bang-gungz cwngcwz gaijdoeg baenzroix Vahcuengh cig-boq cietmoeg, yungh Vahcuengh dangdieg senhconz banggungz cwngcwz, hingzik moq, cingzyauq ndei, ganbu beksingq cungj gig angqcoux caeuq haenhndei.

(Nungz Yungjfang)

● Vihliux doicaenh "song vah song yieq" bang duetgungz gunggeng hozdung engq haeujlaeg bae guh, ndwen 6 ngoenz 4, Liujcouh Si ciuhai aen hoih "song vah song yieq" bang duetgungz gunggeng, gwnz hoih, Liujcouh Si Minzcunghveij veibau aen hozdung neix guh ndaej baenzlawz yieq, caemhcaiq doiq gij hong baezlaeng daezok genyi.

(Yenz Cunzyinh)

● Ndwen 6 ngoenz 10, vunz guhhong ndaw Ningzmingz Yen Gijveij, Cwngfazveij, Minzcwnggiz daengj danhvei gapbaenz lienzhaz ciepcam gungh-cozcuj, daengz Swlang Yangh Swlingz Cunh guh banggungz "daih ciepcam" hozdung. Ngoenz haenx gungh ciepdaih beksingq 18 vunz, souhleix beksingq vwndiz 28 diuz, fat gak loih senhconz swhliu 50 lai faenh.

(Luz Dezsanh)

Sanhgyangh: Langhbaij Feihyiz Fungcingz Ndei



Ndwen 6 ngoenz 13, Sanhgyangh Duncuz Swciyen youq aen ding ciephok Sanhgyangh Nanzcan banh aen hozdung bi 2020 "ngoenz vwnzva caeuq swyenz yizcanj" langhbaij feihyiz ndeu, beksingq dangdieg yungh "cienziep feihyiz ndangcangq saedcej bangdoi duetgungz" guh cawjdaez, doeng-gvaq langhbaij feihyiz, doxdax siuqnyib, Canghywdung yivu yawjbingh, baijgai doxgaiq vwnzlij daengj cietmoeg lai yieq, langhbaij Mbanjdung feihyiz maenhndei.

(Gungh Bujangh)

Fwen Gvangjsih Haeuj Hagdangz Baihneix Eu Sat Baihde Riengz

Ndwen 6 ngoenz 11 banringzgvaq, Nanzningz Si Sinhgingh Minzcuz Yozyau banh aen hozdung "ngoenz vwnzva caeuq swyenz yizcanj", Gvangjsih Sam Nyied Sam Cazcise cungbien Cinz Siengzcouh caeuq Gvangjsih Fwen Yozvei genhsw Veiz Suzyingh daeuj guh 《Youq Laj Hingzseiq Moq Cienziep Caeuq Hwngfat Gij Fwen Gvangjsih》 gyangjco.

Cinz Siengzcouh gyausou daengz hagdangz le dangciengz guh fwen:

"Sinhgingh hagdangz caen mbouj loek, roeg ciuz va rang vunz angqyangz. Docih yaucangj iucingj gou, daeuj daengz gizneix eu go fwen". De daj gij yisuz daegsaek fwen "yungh fwen cienz cingz, yungh fwen cimh youx, yungh fwen gangjavah, yungh fwen baij ceiq" haenx, caiq daengz guh fwen "sam heiq, sam bienq, sam fap" daengj, faenyienj gij gingniemh swheij lai bi daeuj cienziep caeuq fazyangz fwen, hawj eu fwen byaij ok douguek, byaij

coh seiqgyaiq haenx. De haengdingh le yozyau youq minzcuz gyauryz aeu ndaej gij cwngzyau de, hawj gyoengq lauxsae ndiepgyaez Gvangjsih minzcuz vwnzva, itheij fatyienj caeuq cienziep fwen Gvangjsih.

Gyoengq lauxsae caeuq hagseng dangciengz hag dangciengz yungh, itheij eu fwen, sing fwen goksasa buenxrienj sing bekwngz, cienz doh ndaw hagdangz.

(Dwng Linaz)